



Universitätsbibliothek Paderborn

Exemplorvm Libri Tres

Liber Secvndvs, Siue Exempla, In Septem Capitalivm Vitiorvm
Detestationem, Per Qvadragesimam, Anno M. DC. XLVI. narrata

Stengel, Georg

Ingolstadii, 1650

§. 2. Zosimæ profectus.

[urn:nbn:de:hbz:466:1-48186](#)

C A P V T V.

GVLÆ ET LVXVRIÆ VITIVM EMEN-
DATVM, ET SEVERO POENITENTIÆ GE-
NERE A MARIA ÆGYPTIACA

C A S T I G A T V M .

EMPORIBVS Honorij Papæ I. atque Heraclij Imperatoris, vixit S. Sophronius Episcopus Hierosolymitanus, fuitq; sub initium hæresis Monothelitarum, insignis fidei Catholicæ defensor, qui diem suum objit Anno Domini 634. Huius tanta est authoritas, ut epistola illius ad Sergium Episcopum Constantinopolitanum in 6. Synodo Act. 11. citetur. Hic Sanctus Sophronius, præter cetera, quæ posteris legenda & discenda reliquit, scripsit etiam vberioribus verbis sequentem historiam, ob temporis angustias, à me in compendium redigendam. Non tamen sine morum condimento, vt & iuuenes castitatem, & senes discant colere sobrietatem; turpe enim est adolescentibus lasciuire; fœdum & absurdum senibus, adolescentiari; & luxus vtrique ætati vel vietandus, vel dediscendus. Historiam Prophetæ verbis ordior.

Bonum est viro, cùm portauerit iugum ab adolescentia sua, idcirco Zosimas sanctus ille (non hæreticus, qui ab hoc alias fuit) ab ipsis maternis vlnis auulsus in quoddam Palæstinæ monasterium fuit portatus, in quo cum illo virtus perfectioque religiosa à teneris unguiculis ita creuit, vt non solùm cœnobij regulas omnes quam exactissimè seruaret, sed etiam multa alia per quam liberaliter adiiceret, vigilantiæ, abstinentiæ, coniunctionis cum Deo opera; adeò, vt neque inter manuum labores, neque cùm cibum sumeret, à fermenti diuinorum rerum meditatione, sacrificiisque cantibus desisteret; eaque propter plurimis Dei seruis, è locis longè dissipatis, tanquam ad archetypum vitæ sanctæ venientibus visitaretur, qui ab eximio eius exemplo sibi ideam sumerent philosophandi. Ad hanc sanctitatem diuturnitas accessit; in ea enim seueritate vitæ, quinquaginta tres totos annos, perseverauit. Nemo innocentia suæ nimium confidat; nemo sibi placeat, si diu benè vixit; sed qui stat, videat, ne cadat. Quam diu viuimus, militamus; & prorsus militia est vita hominis

N 3

I.
AVTHORIS
AVTHORITAS.

Baron. tom:
8. Annal.
Apud Heri-
bert. Ros-
vveydum 1. 1.
de vitis Pa-
trum à pag.
382,

II.
ZOSIMAE PRO-
FECTVS.
Thren. 3. 27.

1. Cor. 10. 12.
Iob. 14. 14.
Iob. 7. 1.

minis super terram, in militia autem nemo est securus. Ibi, ut vince-
re possumus, ita & vinci ; & vtique tantò proniùs, quanto minùs
sumus exercitati athletæ. Quid enim nobis non potest accidere, si
Zosimas, qui diuinis saepe visis atque reuelationibus armatus, à
puero inter pietatis doctores educatus, post solidos quinquaginta
tres annos, superatus est à superbiae tentatione ? Adeò semper vi-
gilandum, neque vlla hosti Tartareo rima aperienda est. *Cancer*, ait
S. Ambrosius, libentissimè vesicunt carnibus ostreorum. Verùm quoniam
illa benè munita sunt firmissimis utrinque testis, ut vi perfringi non pos-
sint, obseruat callide, dum se exponant ad solem. Ibi dum se aperiunt, &
captant auram, cancer immittit hiantibus in os lapillum, ut testas redu-
cere non possint ; postea satis tuto intrudit chelam, & depascitur. Ita
cum homines se dedunt otio, & animum aperiunt voluptatibus, & va-
nitatibus, & inanibus laudum auris captandis, venit diabolus, immit-
tit fœdas cogitationes ; atque ita cum illi testam, qua antea muniebantur,
non possint retrahere, denorantur. Sic multis contingit ; & prope etiā
Zosimo euenisset, qui in ipso virtutum mari superbiae naufragium
est passus, haud obscure demonstrans, verè dictum esse à S. Augu-
stino : *Catera vitia in malè factis valent, sola superbia etiam in recte fa-
ctis est cauenda : ne illa, qua laudabiliter facta sunt, ipsius laudis cupid-
itate amittantur.* Quod vel Claudianus aduertit ita canens :

S. Augustin.
de nat. & gra-
tia in ep. ad
Dioscor.

Claudian, 2.
Stilic,

III.
ZOSIMAS
TENTATIO ET
CURATIO.

*Quin ipsa superbìa longè
Discessit, vitium rebus sollempne secundis,
Virtutumq[ue] ingrata quies.*

Cum enim ita, ut dixi, in virtute profecisset Zosimas, atque
se videret, tanquam ideam perfectionis, adiri, salutari, & considera-
ri, dæmone malo occasionem captante, & Euge suum suggeren-
te, & ipsa quoque diuina prouidentia vtili consilio permittente,
periculosa mentem illius coepit quatere cogitatio, quasi iam omni-
bus numeris perfectus esset & absolutus, neque ullius amplius al-
terius exemplo, aut doctrina magisterio ue indigeret. Et fastu tu-
mens ausus est secum ita loqui : *Nunquid est in terris monachus, qui
nonum aliquid posset tradere mihi, innare me valens in aliquo, quod igno-
rem ? aut quod ego in monachico non expluerim opere ? Numquid in-
uenitur eorum, qui solitudinem duxerunt, vir, qui prior me in actibus
sit ? Hunc etiam optimi quique habent hostem : postquam omnia-
vitia-*